



Jerainne Donata ta empleado superior di Aruba Bank

JERAINNE Donata ta empleado superior di Aruba Bank pa luna di mei 2025. Un empleado cu a demostra dedicacion y iniciativa sobresaliente, logrando asina e reconocimiento aki.

E compromiso di Jerainne pa semper brinda un experiencia superior na e clientenan di Aruba Bank ta refleha e balornan di e banco. Su accionnan ta impacta e clientenan positivamente y ta pone un standard halto pa e excelencia di servicio na cliente.

Den su tempo liber, Jerainne gusta cana den naturalesa, disfrutando di e paz y tranquilidad cu esaki ta trece.

Pabien Jerainne pa ta un empleado ehemplar cu ta forma parti di Aruba Bank.



Un Otro idea di Dios



SR. drs. Adi Rasmijn ta presenta su buki titula 'Farewell to the God of the Bible, of the Quran and to the Jesus myth – Welcome the New' na Biblioteca Nacional Aruba. Esaki ta tuma luga diaranson dia 2 di juli, di 5or pa 7or.

E buki ta na Ingles pero e presentacion mes lo ta na Papiamentu. E estudio indica ta trece hopi dato dilanti cu mayoria di hende no conoce y ta duna hopi food for thought.

E tema mayor ta un 'Otro idea di Dios' cu e religionnan abrahamica ta cargando y un otro idea/interpretacion di Hesu Cristo. Esaki ta un buki pa lector cu un interes grandi pa temanan spiritual.

Sr. Adi Rasmijn a traha como maestro di historia na Colegio Arubano, pa despues sigui como funcionario publico na Dir. Buitenlandse Betrekkingen (DBB). Pa dies aña largo sr. Rasmijn tabata hopi involvi den proteccion di naturaleza y medio ambiente (Stimaruba).

Adi tabatin, un bes pa siman, un programa radial den cual el a trata un gran cantidad di buki cu tur sorto di temanan spiritual. Publico ta bonbini na e presentacion interesante aki.